



UNIVERSITÄTS-  
BIBLIOTHEK  
PADERBORN

## **Summæ Theologicæ Scholasticæ Et Moralis**

In Quatuor Partes Distributæ

In qua de Incarnatione Verbi & Mysteriis vitæ Christi, nec non de  
Sacramentis in genere & singulis in specie succinctè & dilucidè tractatur

**Herincx, Wilhelm**

**Antverpiae, 1675**

Qu. II. Quando hoc Sacramentum sit institutum.

---

[urn:nbn:de:hbz:466:1-72963](#)

## QUÆSTIO II.

Quando hoc Sacramentum sit institutum?

7.  
Euchari-  
stiam Chri-  
stus insti-  
tuit in ult. i.  
ma canas;

Id est con-  
grue.

8.  
Ad primam  
vesperam  
luna decima  
quinta men-  
sis Nisan  
seu primi.

Cujus luna  
decima  
quarta inci-  
dit equino-  
ctium ver-  
sus aut illud  
propinquum se-  
quitur.

Dies vul-  
garem au-  
spicabantur  
ab ortu solis,

**D**ico I. Sacramentum Eucharistiae est à Christo institutum in ultima cena. Est certum apud omnes tam Graecos quam Latinos. Et patet ex Evangelistis quasi præcitatibus, Clement. unic. de Reliquis & Venerat. Sand. 6. Translatus, Trid. sess. 13. c. 2. & Canonice Missæ, in quo dicitur: Qui pridie quam pateretur &c. Quamvis Joan. 6. Christus instituendum prænunciaverit, & gratiam per illud dandam promiserit. Et quidem congruebat, ut tunc daret scipsum sub specie aliena, quando erat discipulos relicturus in propria, idque imminente passione, cuius hoc Sacramentum erat rememorativum: imminente morte, quia tunc dicta & facta magis imprimitur mentibus amicorum. Ita D. Thomas q. 73. ar. 5. Vide etiam D. Bonav. d. 8. p. 1. ar 2 qu. 2.

**D**ico II. Christus ultimam cœnam, in qua instituit hoc Sacramentum, celebravit ad secundam vespere Lunæ decimæ quartæ, & primam lunæ decimæ quintæ mensis Nisan. Ita communiter Latini. Proclariori intellectu, & difficultatum occurrentium solutione

**N**ota I. Judæos computasse annos per menses lunares, illumque mensem appellasse primum, cuius luna decima quarta incidebat in diem æquinoctii verni, vel propius ipsum sequitur: estque apud nos Luna martialis. Mensem autem istum vocabant Nisan, ut patet Esther. 3. Et eodem Ægyptum egressi leguntur Exodi 12.

**N**ota II. Judæos fuisse solitos incipere suas festivitates à vespere, sive ab occasu solis præcedente ipsum diem festum, juxta illud Levitici 23. A vespera usque ad vespere celebrabitis sabbata vestra; adeò ut festivitates (que ibi intelliguntur per sabbata, ut docet contextus) haberent duas vesperas, unam præcedentem, alteram sequentem seu secundam. Diem autem vulgarem incipiebant ab ortu solis: nam Christus communis Ecclesiæ sensu dicitur crucifixus circa horam sextam juxta computum Judæorum, & circa duodecimam juxta computum Germanicum & Belgicum seu nostrum: cum igitur nos diem vulgarem computamus à media nocte, sequitur Judæos computasse ab ortu solis. Unde Matth. 20 Paterfamilias primum eruditur summo mane, deinde horâ tertią, sextâ & nonâ, denique undecimâ, in qua dicit: Quid hic statis tota die sto? Et illâ horâ conducti dicuntur tantum una horâ laborasse. Igitur horâ undecimâ erat dies serè finitus, & consequenter nec à vespere, nec à media nocte, sed ab ortu fo-

lis censebatur inchoatus. Quamvis Damascus Soto d 9 q. 1. art. 4. putaverit etiam dies vulgares fuisse ab Hebreis computatos à vespere. Ex quo sequeretur primam horam sequentis diei fuisse illam, quæ est prima post occasum solis (qui mos computandi adhuc Romæ & alibi viget) adeoque Christum fuisse crucifixum circa horam decimam octavam; cum tamen juxta Evangelium sit crucifixus horâ quasi extâ scilicet meridiem. His notatis

Probatur Conclusio: quia Christus celebravit ultimam cœnam, quando secundum Cœnam legem debebat comedи agnus paschalisch: at qui hic debebat comedì ad secundam vespere lunæ decimæ quartæ, ergo &c.

Major probatur ex Evangelistis: nam Christus misit discipulos suos ad parandum agnum paschalem, die azymorum in qua necesse erat occidi pascha, ut ait Lucas c. 22. vel primi die azymorum, quando pascha immolabatur; ut ait Marcus c. 14. Similia habet Matthæus c. 26. ergo Christus celebravit suam cœnam, quando Judæi immolabant, & necesse habebant immolare pascha. Deinde non est credibile citra necessitatem in fine vite violasse famosum illud præceptum, qui ramen non venerat legem solvere, sed verbo pariter & exemplo adimplere.

Minor, videlicet quod agnus paschalisch debebat comedì ad finem lunæ decimæ quartæ, probatur: quia agnus paschalisch debebat comedì vespere immediate præcedente primum diem festivum azymorum, ut habetur Exodi 12. Levitici 23. Numer. 28. dies autem iste erat lunæ decimæ quartæ, ut patet ex Scripturis Levitici & Numerorum citatis, ubi dies decima quinta dicitur solemnitas azymorum; primus autem dies azymorum erat solemnior, ut Caræ dicitur in locis citatis: ergo agnus paschalisch erat comedendus ad ultimam vespere lunæ decimæ quartæ.

Eadem Minor probatur II. quia ex citatis locis constat dies azymorum fuisse septem, qui (ut habetur Exodi supr. & Mari 14.) incipiebant cum efu agni, & (ut habetur in Exodi supr.) durabant usque vigiliū primum diem ejusdem mensis ad vespere: quæ vespere necessariò intelligitur esse ultima dii vigesimi primi; cum iste dies dicatur solemnior reliquis in Exodo & Levitico supr. Ex quibus sequitur quod Agnus paschalisch erat comedendus ad ultimam vespere lunæ decimæ quartæ: si enim prius fuisset comedendus, fuissent plures dies azymorum quam septem; si serius dies azymorum durassent ultra vigiliū primum diem mensis.

Probatur III. quia filii Israel egressi sunt ex Ægypto quintadecimâ die mensis primi, alterâ die Phæs, id est, postridiè agni immolati, ut patet Numer. 33. Igitur agnus immolans fuit die quartadecimâ sub finem. Ne-

Quæst. II. Quando hoc Sacramentum sit institutum. 241

que verosimile est Iudeos primogenitis Aegyptiorum occisis egressum per diem integrum post agni immolationem distulisse: quin potius Agyptii sibi metuentes, intempesta nocte ad Israelitas venerunt, compellentes eos festinanter exire. In cuius rei memoriam instituti sunt septem dies azymorum cum immolatione Agni paschalis inchoantur, ut expressit Josephus l. 2. Antiquit. c. 13. quia nimis ob festinationem filiis Israel egressuris ex Agypto non suppeterat tempus seu opportunitas fermentandi conspergionem farinæ aliquodvix pulmentum faciendi, quo exirent preparati ad iter.

Contrarium Conclusionis docent Graeci, qui ut tueantur Christum consecrasse in fermentato, docent ipsum uno die anticipasse esum agni paschalis contra præscriptum legis, & comedisse agnum ad finem lunæ decimæ tertiaræ, ac consequenter passum esse lunæ decimæ quartaræ. Pro quibus

Objicitur I. Joan. 13. dicitur: *Ante diem Festum Pascha &c.* ubi significatur Christum cum discipulis suis conasce ante diem festum Pascha, qui tamen incipiebat ad finem lunæ decimæ quartæ cum immolatione agni. Resp. Joannem non loqui de die ceremoniali, qui à vespera incipiebat, sed de die usuali seu artificiali, qui incipiebat ab ortu solis, dicebaturque etiam Pascha ab immolatione Agni paschalis facta pridie ad vesperam. Unde non ait, *Ante Pascha*; utpote jam inchoatum: sed, *Ante diem seu lucem Testiij ita is paschalis.*

Objicitur II. Iudei consultantes de Christo occidendo, dixerunt Matth. 26. *Non in die festo &c.* ergo Christus non est passus in die festo, qui incidet in lunam decimam quintam, sed ante; & consequenter cuiam ante finem lunæ decimæ quartæ comedit agnum. Resp. Neg. priorem Conf. Etsi enim Iudei in principio timuerint Christum occidere in festo, ne tumultus fieret in populo: postmodum tamen oblatâ occasione Iudei promitterunt eum tradere sine turbis, mutaverunt consilium, & in die festo occiderunt, præ nimia siti Sanguinis Agni innocentis moram non sustinentes, idque non sine augmendo injuria & ignominia Christi, quamvis etiam non sine mysterio.

Objicitur III. Ipso die mortis Christi Joseph mercatus est spondonem, de votæ mulieres paraverunt aromata ad eum sepeliendum, Iudei criminaliter contra eum processerunt: atqui hæc non licebant in die festo; ergo Christus in eo non est occisus. Resp. ad Minorem, licuisse eo die opera pietatis; v. g. curare, benefacere, asinum è fovea extrahere. Ejusmodi quoque est, ungerere & sepelire mortuos. Unde Tobie 2. legitur ipse Tobias die festo sustulisse occisum, ut eum sepeliret: quem etsi post solis occasum sepeliverit in silentio, tamen ante sustulerat misericorditer. Iudei nimirum in

Christum invidiâ excæcati non sunt sollicitè à peccato violatae legis excusandi, qui noscuntur timorem Domini non habuisse. Facile autem sibi erroneè persuaserunt, esse licitum etiam in die festo oblatâ occasione occidere, quem Deo blasphemum, & Gentis suæ adeò perniciosem putabant. Fortè etiam non fuit Iudeis illicitum in die festo causam dicere & mortem procurare, sed ad sumrum exequi, juxta illud: *Nobis non licet interficere quemquam* Joan. 18. Quod tamen alium sensum potest admittere, scilicet de suprema gladii potestate per Romanos ademptâ. Fortè autem falsò allegatur à Iudeis, ut crucem impetrarent, quam Christo machinabantur. Nam certè sub Romanis præsidibus Stephanum lapidarunt, & adulteram velut vi legis lapidandam ad Christum adduxerunt.

Objicitur IV. Iudei dicuntur Joan. 18. non introisse in prætorium, ut non contaminarentur, sed ut manducarent Pascha. Et cap. 19. dies Passio Christi appellatur Parasteve Pascha: ergo quando Christus est passus, Iudei nequum manducaverant agnū paschalem, & consequenter Christus anticipaverat. Resp. Neg. Conf. Ad primū Scripturæ locum (omissâ illorum responsione, qui more Scripturæ insueto per Pascha intelligunt panem azymū, nullâ lege vetitum manducari ab immundis) dico per Pascha *Duo sensu* ibi intelligi alias victimas illis diebus azymorum, præsertim primo & ultimo offerendas, ut habetur Num. 28. 2. Paralipp. 30. Et non intrasse 35. & Denter. 16. quo postremo loco victimæ prætorium, ille patéter vocatur Phase seu Pascha, & posterum carent Pascha chæ.

Ad posteriorē locum dico diem, quo Christus est passus vocari parasteven Pascha, non quia præcedebat Pascha, seu passus est in præparatorius erat ad Pascha (cum Pascha parasteven non haberet diem parasteven, sed solum Pascha, id non habebat cibos in Pascha, id, incidenti coquere, qui proinde pridie erant præparandi) sed quia pascha illo anno incidet in parasteven. Quæ explicatio confirmatur ex Joan. 18. ubi dicitur: *Est consuetudo vobis, ut unum dimittam vobis in Pascha.* Cujus loco Matth. 27. dicitur: *per diem solemnem: & Marci 15. per diem festum.* Quibus clarè significatur diem illum suis decimum quintum: nam dies decimus quartus nec solemnis, nec festus vocatur in Scriptura. Unde Marci supra dicitur: *Quia erat parasteven*

242 Disp. I. De Eucharistia. Sacramento secundum se.

parafœve, quod est ante Sabbathum. Adeoque Parafœve Pascha idem est, quod parafœve incidentis in Pascha.

Maldonatus hanc objectionem sumit pro partiali fundamento sua opinionis, quæ censet Christum quidem coenasse ad primam vespere lunæ quindecimæ, Judæos autem ex more quodam isto anno coenasse postridie. De qua n. 17.

Cum quo  
consistit tri-  
dum se-  
pulturae.

Græcorum  
sententia  
supposita,  
ad huc non  
sequetur  
Christus  
conseruasse  
in fermento.

Luisius Le-  
gionensis  
putavit  
agnum vi  
Legis im-  
molandum  
ad finem  
luna deci-  
mataria.

Eius funda-  
mentum  
dissolvitur.

Objicitur V. Si Christus coenavit agnum ad finem lunæ decimæ quartæ, & conseqüenter passus est in parafœve seu die veneris, non poterat resurgere altera Sabbati, hoc est die Dominico, nam tunc non videretur juxta suam prædictiōnem Matth. 12. fuisse in corde terræ tribus diebus & tribus noctibus. Resp. Neg. Seq. Est enim hebraica, & Scripturis frequens periphrasis seu circumlocutio trium dierum naturalium, qui die ac nocte, seu luce & tenebris constant; quasi prædixerit se futurum in corde terræ per tres dies naturales, nempe per synecdochen. Vide dicta tract. de Incarnatione disp. 4. de Myster. vitæ Christi q. 4. n. 97.

Hæc sunt potissimum Græcorum argumenta. Qui tamen dato quod Christus coenam ultimam celebraret pridie diei lege statuti, adhuc non conficerent intentum suum de consecratione Christi in pane fermentato. Si enim Christus anticipaverit eum agni, quidni & usum azymorum panum, qui simul inchoatur? Deinde saltem in ipsa coena agni erat panis azymus: quem proinde Christus facilè potuisset assumere in coena mystica, gratis concessio, quod post coenam legalem fuisse servata usualis, & sub ea institutum Sacramentum.

Secundū contra Conclusionem quidam Luisius seu Aloysius Legionensis apud Suarez, disp. 41. sed. 1. contendit Judæos debuisse celebrare Pascha ad primam vespere lunæ decimæ quartæ, seu ad finem decimæ tertiaræ; adeoque etiam Christum tunc seu eodem quo ceteri die celebrasse. Cujus fundamentum est, quod Judæos erat præcepsum comedere agnum Paschalem die decimæ quartæ ad vespere: cum autem Judæi inciperet suas festivitates à vespere præcedente, sequitur vespere dici decimæ quartæ dici debere illam, quæ veniebat post occasum solis die decimæ tertiaræ. Sed hoc fundamentum nullum est: quia lex præcipiens eum agni die decimæ quartæ ad vespere, intelligitur de die vulgari, quæ locum habebat vespere subsequentem: dies enim decimus quartus non erat festivus, sed dies subsequens, qui est primus, & dies vigesimus primus qui est septimus azymorum. Unde immolatio agni fiebat solemnitate primi diei inchoatæ, & quasi concomitanter in festo: durabatque celebritas agni dumtaxat durante immolatione & esu illius.

Deinde legem sic esse intelligendam, patet ex probatione Conclusionis. Et confir-

matur: nam Exodi 12. (ubi Lex traditur) habetur: Quartâ decimâ die mensis ad vesperam comedetur azyma, quod tamen de posteriori vespere manifeste intelligendum est: cùm constet fuisse septem dies azymorum quorum ultimus dies vigesimus primus mensis. Unde pariter de secunda vespere intelligitur, quod immediatè ibidem subditur: Usque ad vigesimam primam ejusdem mensis (quæ similiter utrī quintadecima erat solemnis) ad Vesperam.

Hæc est etiam ordinaria Scripturæ phrasis, communī modo intelligendi conformis, ut cùm aliquid dicit Eli faciūt vel faciēt ad vespere, intelligat finem dici, ut Gen. 30. Rediunt ad Vesperam Jacob de agno Exodi 12. Usque ad diem vigesimam primam mensis ad vespere. Et alibi.

Tertiū Maldonatus in illud Matth. 26. Scitis quia post biduum Pascha fiet, post Lyranum & quosdam alios docet Christum immolasse quidem agnum, adeoque infinitissime Eucharistiam ad secundam vespere lunæ decimæ quartæ quæ tunc incidebat in feriam quintam; Judæos tamen isto anno immolasse postridie, idque ex permissione facta à tempore Esdræ, ut quoties dies prima seu solemnitas azymorum incideret in feriam sextam, trāsferri posset in sabbatum, adeoque immolatio agni in feriam sextam; ed quod isti populo molestum esset duo festa immediata celebrare. Sed hujus dispensationis nullum est vestigium in Scripturam, neque etiam in Iosepho aut Philone diligenterissimis ceremoniarum Judaicarum Scripturis. Neque hoc modo istud inconveniens vitari potuisset: nam hac translatione facta incidisset dies septimus azymorum (qui potissimum erat festivus) in feriam sextam, sequentis hebdomadæ, adeoque tunc servare Judei debuissent duo festa immediata. Verba quoque Scripturæ in probacione Conclusionis allegata satis ostendunt Christum immolasse agnum, quando Pascha immolabant, scilicet Judæi communiter, & mox erat occidi Pascha.

Dices cum Maldonato Joan. 19. de sabbato immediatè sequenti mortem Christi dicitur: Erat enim magnus dies ille sabbati; ubi indicatur specialis solemnitas istius sabbati, utique propter concursum cum festivitate azymorum. Resp. particulam illi dies non referre sabbatum unius singulare, sed universim sabbatum Judæorum; quale singularis septimani occurrebat, & erat magnum apud Judæos: idque inculcat Iohannes specialiter Christianis magnitudine & solemnitatē ista dudum antiquatā & perpetuitatē. Idemque factis indicat contextus, si recte ponderetur: Iudei (inquit Evangelista) ergo (quoniam parafœve erat) ut non remiserent in cruce corpora sabbato (erat enim magnus dies ille sabbati) regarint Pilatum &c. ubi ratio allegatur generalis, quoniam parafœve erat, &c.

## Quæst II. Quando hoc Sacramentum sit institutum. 243

& ut non remanere in cruce corpora sabbato. Quamvis ob solemnitatem dici præcedens, & concursum populi adhuc Jerosolymis existentis potuerit sabbatum istud specialiter fuisse scemne.

Dices II. Dies Pentecostes semper fuit quinquagesimus à secunda die, sive altera die post solemnitatem azymorum, ut habetur, Levitici 23. Si autem Christus primâ die azymorum, & sibi sexta foret passus, festum Pentecostes illo anno non incidisset in diem Dominicum, sed in sabbatum: quod est contra communem Ecclesiam sensum, quo indubitanter traditur Spiritum sanctum Dominico die in Apostolos descendisse. Resp. etiam hoc argumentum corrue, si cum Nonnullis computus inchoetur à secunda die exclusivè, seu hâc non computata. Et saltem sic oportuisse computari eo anno, quo secunda dies azymorum incidebat in sabbatum (ut anno mortis Christi incidebat) censem Baronius & Bellarminus.

Dico tamen Pentecosten Judæorum isto anno incidisse in sabbatum, & Spiritum sanctum descendisse post tridic, scilicet die Dominicâ, quâ celebratur Pentecoste Christianorum, quod non computatur à secunda die azymorum, sed à tertia, seu à resurrectione Christi. Et de Pentecoste Christianorum intelligitur illud Act. 2. Cum completerentur dies Pentecostes; quod jam tum à Christianis celebrari cooperat. Vide Alapide in cap. 23. Levitici. Nec mirum, quod tunc temporis magna esset multitudo diversarum nationum in Ierusalem: quia Pentecoste Judæorum pridie præcesserat.

Reliqua fundamenta Maldonati à nobis, agendo contra Græcorum sententiam, disoluta sunt.

Dico III. Eucharistia est instituta post coenam legalem seu ceremonialem Cenam agni; ut significat Tridentinum sess. 22. c. 1. dicens: Celebrato veteri Pascha novum institutum. Idem expressit Ecclesia in hymno: Post agnum typicum explexis epulis &c. Et Augustinus Epist. 118.

An autem sit instituta sub initium, an verò postquam fuit incepta, an denique sub finem ejusdem coenæ usualis seu communis (quæ plerumque post coenam legalem festinantur absolvit solitam fiebat in magnis familiis, quibus unus agnus non sufficiebat ex plenda omnium fami) incertum est, & inter Doctores ac Interpretes controversum. Quamvis alicui primâ fratre videri possit dubium ipsius controversiae suppositum, nimirum quod Christus præter coenam legalem adhibuerit alteram usalem: eò quod agnus anniculus in lucis integri anni, aut circiter ex toto consumendus facile sufficeret, videatur pro coena moderata tredecim aut circiter personarum: Et parum, quod forte defuisse, non appareat postulasse inchoatio-

Hinc Sum. Theol. Pars IV.

nem noxae coenæ, sed suppleri potuisset in appendice coenæ legalis. Dato nihilominus supposito.

Valde verosimile est fuisse institutum sub finem coenæ usualis: nam hoc in primis indicant verba hymni: Post agnum typicum explexis epulis; & verba Lucæ ac Pauli: Similiter & calicem postquam coenavit Christus; intellige, de plena coena. Deinde Joan. 13. Christus dicitur lavisse pedes discipulorum (quos lavavit ante institutionem Eucharistia) coenâ factâ, utique usuali; cum de ea subjungatur: Surgit a cena, & ponit vestimenta sua; coena autem agni Paschalis fieret stando juxta legem sive ritum Judæorum. Deinde dicitur recubuisse iterum, nempe ad instituendam Eucharistiam. Necdum tamen omnes suam coenam perfecisse indicant verba Evangelistæ Cœnabibus illis, scilicet Apostolis adhuc aliquid interdum ori ingerentibus; & quod postea adhuc Christus intinctum patrem dedit Judæ.

Dico IV. Hoc Sacramentum fuit institutum præsente Juda, qui ipsum de manib[us] Christi accepti. Ita plerique Theologi. Idem docet Chrysostomus, Hieronymus, Cyrus Jerosolymitanus, Leo Papa, Augustinus Tractatu. 62. in Joannem & aliis locis, & passim alii Patres apud Sharez disp. 41. scilicet. 3. Immo id evidentissime enarrari à Luca dicit Augustinus: nam postquam Evangelista cap. 22. narrasset institutionem hujus Sacramenti, subjungit: Verum tamen manus tradidit me tecum est in mensa. Similiter Marii 14. dicitur: Et biberunt ex illo (calice consecrato) omnes, nempe duodecim, de quibus immediate antè facta erat mentio. Insuper ex Joan. 13. colligitur Judam coenâ usuali factâ interfuisse lotioni pedum,

& postquam iterum recubuisse Christus, adhuc adfuisse, cum accepit buccellam panis, quæ etiæ non sue, ut Sacramentum Eucharistiae (ut post Concilium Bracarense 111. can. 1. docent communiter Doctores) omnino tamen videtur ipsum jam tunc fuisse institutum. Denique idem constat ex hymno Ecclesie: Cibum turbæ duodenæ se dat suis manibus. Et ex Sequentia de Venerabili Sacramento: Turba Jeatrum duodenæ datum non ambigitur.

Nihilominus Hilarius can. 30. in Matth. 23. & quidam alii putant Sacramentum non fuisse datum Judæ, adeoque post hujus siuus sensu discessum fuisse institutum. Quibus non sint. favet illud Christi Matth. 26. Non bibam Quibus amodo de hoc genimine viis usque in diem illum, non favet cum illud bibam vobiscum novum in regno Scripturae. mei. Nam ly vobiscum intelligitur indefinitely de iis qui consortes futuri erant prædicti regni. Deinde ad hujus consortium Christus ex sua parte paratus erat etiam Judam admittere.

Non obstat etiam, quod tempore institutionis ac dispensationis Eucharistiae Ju-

das videatur fuisse detectus, adeoque exclusus à participatione Sacramenti: cum inter coenandum Christus dixerit Matth. 26.

*Judas tempore insinuationis Sacramenti needū erat detestus.*

Qui intingit mecum manum in paropside, hic me tradet; & Judas replicanti, Numquid ego sum Rabbi? responderit, Tu dixisti. Quæ verba styllo Hebreo sunt affirmantur. Praeterea Joan. 13. interroganti Joanni, quis est? dixit: Ille est, cui ego intinctum panem porrexero. Et (ut sequitur) cum intinxisset panem, dedit Judas. Non obstat, inquam; nam prima verba Christi sunt dicta in communi, q. d. unus ex duodecim (eadem scilicet paropside utentibus) qui intingit mecum manum in calice, ut est apud Marcius c. 14. Subsequentia verba Christi ad Judam, si non sint abstrahentis, sed afferentis, sunt ei insinuata aliis non audientibus, vel certè non advertentibus, seu non capientibus. Ideoque adhuc Petrus instabat apud Joannem, Quis est de qua dicit? Postea autem Joanni supra peccatum Jesu recumbenti & interroganti, Quis est? Christus dedit signum correctionis intincti panis; idque secretò, adeò ut cum Christus dixit Judas diceret, Quod facis, fac tuus, teste ipso Joanne cap. 14. hoc nemo scriverit dislumbenium, ad quid dixerit ei, excepto saltet ipso Joanne. Ut taceam correctionem intincti panis fuisse posteriorem distributione Eucharistie. Judam porro adhuc fuisse tunce peccatorem occultum; apertè supponit Eugenius Papa c. Si Sacerdos 2. de Officio Ordinarii, & Theologi communiter, ex facto Christi deducentes exemplum à Ministris Eucharistie circa peccatores occulos servandum. Quamvis alioquin potuisset Christus tamquam absolutus dominus & supremus Judex justissimè privare & plectere Judam. Quod autem Leo Papa Serm. 3. De Passione Judam alloquens ait: Illa saltem te à precipitulo tuo Sacramentare vocasti, quæ in Paschali Cœna jam de perfidia tua signo avina scientia detectus acceperas; intellige, detectus apud ipsum Christum per signa divinæ scientiae, quæ Judas ipse probè adverterat.

24.  
Christus  
ipse suum  
corpus &  
sanguinem  
sumpsit.

Petes an ipse Christus in ultima cena sumperserit Eucharistiam? Rsp. Aff. Ita enim censem Theologi communiter, & satis aperte indicant multi Patres; signanter Chrysostomus Homil. 83. in Matth. dicens: ipse quoque bibit ex eo, ne auditis verbis illis dicent: Quid ignorat sanguinem bibimus & carnem comedimus? ac ideo perturbarentur (Ut ante Capharnaitem Joan. 6.) Ne igitur tunc id quoque accideret, primus ipse hoc fecit Eccl. Et quamvis non sit clarè in Evangelio expressum, sicut tamen illud Christi Luca 22. Desiderio desideravi hoc Pascha manducare vobiscum; quod plerique Doctores specialiter ad hoc Sacramentum referunt. Item quod Matth. 26. dixit Christus: Non bibam amodo de hoc genimine vitis usque in diem illum Eccl. Hoc sensu etiam accipit D. Thomas q. 81. a. 1. ad 1. quod Christus

diciur accepisse panem & calicem, scilicet etiam ore sumendo, sicut postea tradidit aliis accipendum. Unde ibidem addit hos versus:

Rex sedet in cœna, turbâ cinctus duodenus?

Se terret in manibus, se cibat ipse cibus.

Non communicavit tamen Christus spiritualiter, quoad perceptionem effectus gratiæ; non quidem defectu dignitatis & sanctitatis (sic enim maximè & spiritualiter communicavit) sed propter gratiæ plenitudinem: adeoque communicavit tantum sacramentum, ut rectè D. Bonaventura d. 9. q. 1. q. 4. & reliqui Doctores.

Conguentia hujus facti colligitur ex eo, quod conserret ad dignitatem hujus Sacramenti, Christimet us: quodque conveniret ipsum participare de epulis, ad quas ceteros invitabat: quod denique sicut in veteri lege sacrificans prior participabat de carnibus victimarum, sic Christus partiparet de victimâ incruenti sacrificio primitus à se oblati, aliisque communicati. Atque ita fuit ipse convivus, & convivium; ipse comedens, & qui comeditur; ut ex Hieronymo ad Hedibiam quest. 2. refertur can. nec Moses 87. de Consecrat. d. 2.

### Q U A E S T I O III.

In quo consistat essentia hujus Sacramenti.

**A**D Eucharistiam varia concursunt; nempe panis & vinum tamquam materia transiens, verba consecrationis, species consecratae, Corpus & Sanguis Christi sub speciebus contenta, denique sumptio prædictarum specierum.

**D**ico I. Panis & vinum non sunt de essentia hujus Sacramenti. Patet: quia positionis hujus Sacramenti destruuntur; quod autem est de alicuius rei essentia, debet cum illa permanere.

**D**ico II. Verba consecrationis non sunt de intrinseca essentia hujus Sacramenti. Ita Scotus, Gabriel, Victoria, Vazquez, Cominius & plurimi alii contra Lugo & alios recentiores. Ratio est: quia etiæ Concilium Flora- tinum sup. verba consecrationis appellat formam hujus Sacramenti; non tamen intellegit intrinsecam: cum codicis modo panem vocet materiam, utique extrinsecam & transeuntem. Unde dicit per illa verba Confici hoc Sacramentum: causa autem efficiens seu consecrativa rei solet esse extrinseca essentiae effectus. Unde etiæ sine verbis statueretur Christus sub speciebus (prout olim quidam putarunt factum ab ipso Christo) est Sacramentum, etiæ indigenis notificatione; quæ indiget etiam panis nomine secreto consecratu.

Confirmatur ex Scoto d. 8. q. 1. n. 6. quia verba